

Kgobokanyo ya Ditlhangwa

SETSWANA

PUO YA GAE

KGWEDITHARO 3



MOPHATO

2





Kgobokanyo Ya Ditlhangwa

MOPHATO 2 | KGWEDITHARO 3

SETSWANA

**Copyright © 2026 National Educational
Collaboration Trust (NECT)**

This work is licensed under a **Creative Commons
Attribution–NonCommercial–NoDerivatives 4.0
International License (CC BY-NC-ND 4.0)**.

Additional permissions beyond the scope of this license
may be available. For further information, please
contact the publisher at **materials@nect.org.za**.

First edition, 2026





KGWEDITHARO 3



MMAPA WA AFORIKABORWA



Kapabokone



Kapabophirima



Teko ya dipalo
e e bonolo ya
ga Lerato



Lewatle la
Atlantiki



Limpopo



Malatsi a
Boikhutso a
mariga

Mpumalanga



Musa
Motha:
Sebini se se
ganetsang
maatla a
kgogedi!



Tsholofelo
o bona
thuso

Gauteng

Bokonebophirima

Foreisetata

KwaZulu-
Natal



Amogelang o
dira mae a a
tlhakatlhakantsweng



Matipane

Kapabotlhaba

Lewatle la
India

MMAPA WA LEFATSHE



Amerikabokone

Lewatle la
Atlantiki

Phaloso ka
Didolofini

Lewatle
la Pacific

Amerikaborwa

Sebini se se
tihwatlhwa
Lloyd



Asia



Yuropa



Aforika



Lewatle
la Pacific



Australia



Lewatle
la India



Antarctica

KGWEDITHARO 3

DIKGANG



Matipane

1



Malatsi a Boikhutso a mariga

13



Amogelang o dira mae a a tlhakatlhakantsweng

25



Teko ya dipalo e e bonolo ya ga Lerato

33



Sebini se se tlhwatlhwa Lloyd

47



Musa Motha: Sebini se se ganetsang maatla a kgogedi!

61



Phaloso ka Didolofini

75



Tsholofelo o bona thuso

91

KGANG 1

MATIPANE



Thitokgang: Re ikutlwa re le lefufa



Tshedimosetso ya Lemorago

- Setlhangwa seno ke kgang ya maitlhamelo.
- E diragala mo lefelong le le sa tlhomamisiwang.
- E diragala mo pakeng ya jaanong.
- Kgang e e tla thusa barutwana ba gago go tlhaloganya gore mongwe le mongwe o na le bokgoni jo bo kgethegileng le gore go itshwantshanya le ba bangwe go ka go thibela go bona se se go dirang yo o kgethegileng.



Togaleano la go Tlhaloganya: Ela tlhoko go tlhaloganya

- Ke eng: Go lekola go tlhaloganya ga gago fa o buisa le go ema go senene fa sengwe se sa tlhaloganyesege.
- Goreng re se dirisa: Go lemoga fa o sa tlhaloganye mme o se baakanye.
- Se thusa jang: Se dira gore o nne o tsaya karolo le go tokafatsa go tlhaloganya ka go bua ka tse di sa tlhaloganngweng ka yona nako eo.



Dintlha tse o ka di abelanang le barutwana ba gago


- Mefuta e e farologaneng ya dipalangwa e diretswe ditiro tse di farologaneng. Sekao, bese e rwala batho, mokoro o tsamaya mo godimo ga metsi, mme matipane o rwala merwalo e e bokete.
- Ka dinako dingwe, re itshwantshanya le batho ba bangwe. Re ka nna ra leba se batho ba bangwe ba nang le sone kgotsa se ba ka se dirang mme ra eletsa e kete le rona re ka bo re tshwana le bone. Seno se ka dira gore re ikutlwe re sa itumelele matshelo a rona.
- Mongwe le mongwe o na le bokgoni jo bo farologaneng. Batho ba na le bokgoni mo dilong tse di farologaneng. Motho yo mongwe a ka nna a taboga ka lebelo lo lo kwa godimo, fa yo mongwe a ka tswa a le setswerere mo go thaleng kgotsa go thusa ba bangwe.
- Ka dinako dingwe bothata ga bo rarabololege ka tsela e e tlwaelegileng, mme batho ba tlhoka go akanya ka tharabololo e e botlhale.



Go dirisa togaleano le kgang eno:


Tsebe le temana	Puiso ya	Bua jaana
4,1	Matipane a bona terena e e botala jwa legodimo, e tsamaya ka lebelo lo logolo. “Ke eletsa eketse nkabo ke le lebelo jaaka terena,” ga akanya Matipane. Matipane a bona bese e tona e e mmala wa namune. “Ke eletsa eketse nkabo ke le motona jaaka bese,” ga akanya Matipane.	A nke ke eme ke akanye... A ke tlhole gore a ke a tlhaloganya: Ke tlhaloganya gore Matipane ga a itumelela mme o akanya gore dipalangwa tse dingwe di botoka go mo feta ka ditsela tse di farologaneng.
8,1	Matipane a nna fa lebopong la noka, a hutsafetse. “Botlhe ba lebelo, ba ba tona kgotsa ba kgathisa go nkgaisa,” ga akanya Matipane ka khutsafalo. “Ke monnyennye, e bile ke bonya! Ga go sepe se ke gaisang ba bangwe ka sona!” a akanya.	A nke ke eme ke akanye... A ke tlhole gore ke a tlhaloganya: Ke tlhaloganya gore Matipane o ipapisa le ba bangwe go dira gore a ikutlwe a sa itumela. Ke akanya gore se se tlhola bothata mo kgannyeng.

Matipane e ne e le toroko e nnye e e serolwana.
Letsatsi lengwe Matipane o ne a rwala matlapa, mme
a tsamaya mo tseleng e kgolo.



Matipane a bona terena e e botala jwa legodimo, e tsamaya ka lobelo lo logolo. “Ke eletsa ekete nkabo ke le lobelo jaaka terena,” ga akanya Matipane.

Matipane a bona bese e tona e e mmala wa namune. “Ke eletsa ekete nkabo ke le motona jaaka bese,” ga akanya Matipane.




Matipane a bona sefofane se setona se sesweu se se phatsimang se fofela kwa godimo mo lefaufaung. “Ke eletsa eketse nkabo ke phatsima jaaka sefofane,” ga akanya Matipane.

Matipane a bona gape lori e ntle e khibidu mo tseleng. “Ija!” “Ke eletsa eketse nkabo ke le montle jaaka lori e ntle e khibidu ele,” ga akanya Matipane.




Matipane a bona mokoro wa botala jwa tlhaga jo bo galalelang, o tsamaya ka lobelo mo nokeng. “Ke eletsa eketse nkabo ke galalela jaaka mokoro ole,” ga akanya Matipane.



Matipane a bona koloi e e kgatlhisang e khibidu ya mabelo. “Ke eletsa ekele nkabo ke kgatlhisa jaaka koloi e ntšhwa ele ya mabelo.” ga akanya Matipane.



Matipane a nna fa lebopong la noka, a hutsafetse.
“Botlhe ba lobelo, ba ba tona kgotsa ba kgatlhisa
go nkgaisa,” ga akanya Matipane ka khutsafalo.
“Ke monnyenye, e bile ke bonya! Ga go sepe se ke
gaisang ba bangwe ka sona!” a akanya.



Ka tshoganyetso Matipane a bona mosimanyana a wetse mo nokeng.

“Thusang! Thusang!” Mosimanyana a goeletsa. “Ke kopa thuso tlheng! Ke mang yo o ka nthusang?”

“Nka se kgone,” ga bua terena. “Ke mo lebelong le le kwa godimo thata gore nka ema.”

“Nka se kgone.” ga bua bese. “Ke kgona go ema fela kwa boemelong jwa dibese.”

“Re ka se kgone.” ga bua lori le koloi ya mabelo. “Ga re kgone go tsena mo metsing.”

“Nka se kgone.” ga bua sefofane. “Ke kwa godimo thata!”

“Nka se kgone.” ga bua mokoro. “Phefo e maatla thata. Ga ke kgone go retologa.”



Matipane o ne a sa kgone go tsena mo metsing. Fela Matipane o nnile bothhale. A tla ka leano!

“Ke tla go thusa!” ga bua Matipane. A tsholola matlapa ao a neng a a rwele, a folosetsa setswalo sa matipane mo metsing gore mosimanyana a kgone go se ngangatlalela, a tswe mo metsing.

“Ke a leboga!” ga goeletsa mosimanyana. “Ke falotse!”



“Ke a go leboga wena toroko e e serolwana, ya segatlhamelamasisi!” ga bua mosimanyana.

Matipane a boela gae morago ga go falosa mosimanyana. “Nka tswa ke se motona, kgotsa ke se lobelo, kgotsa ke se montle, fela le nna ke botlhokwa thata! Ke rata se ke leng sona!”





Puiso ya 1

Matipane ke eng?

Matipane ke toroko e nnye e e serolwana.

Matipane o batla go nna eng?

- Terena e e lobelo.
- Bese e tona.
- Sefofane se se phatsimang.
- Lori e ntle.
- Mokoro o o galalelang.
- Kolo e ntšhwa e e kgatlhisang ya mabelo.

Ke goreng fa Matipane a ne a ntse fa lebopong la noka a hutsafetse?

- Gonne o ne a eletsa gore a kabo a le motona.
- Gonne o ne a eletsa gore a kabo a le lobelo
- Gonne o ne a eletsa gore a kabo a phatsima
- Gonne o ne a eletsa gore a kabo a galalela.
- Gonne o ne a eletsa gore a kabo a itse go fofa.
- Gonne o ne a eletsa gore a kabo a kgona go tsena mo metsing.
- Gonne o ne a eletsa gore a kabo a tshwana le dirori tsothe tse a di bonang.



Puiso ya 2

Matipane o ne a falosa mang?

O ne a falosa mosimanyana yo o neng a wetse mo nokeng.

Mosimanyana o ne a raya Matipane a reng morago ga go mo falosa?


O rile, "Ke a go leboga, a ba a bitsa Matipane segatthamelamasisi!"

Ke goreng Matipane a ne a ikutlwa a le botlhokwa kwa bofelong jwa kgang e?

- Gonne a na le kakanyo e e botlhale.
- Gonne o kgona go dira sengwe se ba bangwe ba sa kgoneng go se dira.
- Gonne ke ena fela yo o ka falosang mosimanyana.
- Gonne o motlotlo ka se a se dirileng.
- Gonne o a lemoga gore o kgethegile ka mokgwa wa gagwe.

KGANG 2 MALATSI A BOIKHUTSO A MARIGA

Thitokgang: Re ikutlwa re le lefufa



Tshedimosetso ya Lemorago

- Setlhangwa seno ke kgang ya maitlhamelo.
- E diragalela mo Aforikaborwa.
- E diragala mo pakeng ya jaanong.
- Kgang e e tla thusa barutwana ba gago go tthaloganya gore go fufegela maitemogelo a batho ba bangwe go ka dira gore re tlhokomologe dinako tse di kgethegileng mo matshelong a rona.



Togaleano la go Tlhaloganya: Dira dikgolaganyo

- Ke eng: Go akanya ka mo kgang e amanang le botshelo jwa gago, dibuka tse dingwe, kgotsa lefatshe.
- Goreng re se dirisa: Goreng re e dirisa: Go tthaloganya kgang botoka ka go e golaganya le dilo tse o setseng o di itse.
- Se thusa jang: E dira kgang gore e nne le bokao jobo tseneletseng le go gopolega bonolo.



Dintlha tse o ka di abelanang le barutwana ba gago

- Fa bana ba boela kwa sekolong morago ga malatsi a boikhutso, gantsi ba bolelela ditsala tsa bone ka se ba se dirileng le gore ba ile kae.
- Malapa a a farologaneng a ja malatsi a bone a boikhutso ka ditsala tse di farologaneng. Batho bangwe ba tsaya maeto go ya kwa mafelong a mantšhwa, mme batho bangwe ba nna kwa gae le ba malapa a bone.
- Ka dinako dingwe, batho ba tshwantshanya maitemogelo a bone le maitemogelo a batho ba bangwe. Ka dinako dingwe re utlwa ka sengwe se se itumedisang se se diragaletseng motho yo mongwe mme re eletsa e kete se ka bo se re diragaletse.
- Go nna le nako le balelapa e ka nna selo se se kgethegileng, le fa o sa tseye loeto. Ga o tlhokege gore o tsamaele kgakala gore o nne le malatsi a boikhutso a a monate. Go nna le nako le batho ba o ba ratang go ka go kgontsha go dira maitemogelo a a itumedisang.



Go dirisa togaleano le kgang eno:

Tsebe le temana	Puiso ya	Bua jaana
17,4	Mmalo!" Kaelo a rialo. "Ke batla go ya kwa teng le nna."	Ijaa, diphororo tseo di lebega di gakgamatsa! Nka dira kgolagano le Kaelo. Tsala ya me e kgolo e ne ya ya go bona diphologolo tse di tlhaga. O ne a mpontsha ditshwantsho tsotlhe tsa loeto lwa gagwe. Fa ke bona ditshwantsho tseo, seno sa dira gore lenna ke batle go tsaya loeto!
20,2	"Rre Maboya o ne a ntse mo gae, fela jaaka nna!" ga lemoga jalo Kaelo.	Kaelo o dira kgolakganyo le Rre Maboya. O ikutlwa botoka ka gore ene le Rre Maboya ba dirile selo se le sengwe ka nako ya malatsi a boikhutso.

Ka moso e tla bo e le letsatsi la ntlha kwa sekolong fa morago ga malatsi a boikhutso a mariga. Kaelo o ne a phatsimisitse ditlhako tsa gagwe. A rulagantse kgetsana ya gagwe ya sekolo. Kaelo o ne a fela pelo gore letsatsi le tleha leng.



Mo mosong, Kaelo a tabogela kwa sekolong.

Fa a goroga, a bona Simone mo moswinking.

“Dumela Kaelo! O tswa kae ka malatsi a boikhutso?” a mmotsa.

“Ke ne ke le fela mo gae.” ga rialo Kaelo. “Wena o ne o ile kwa kae?”

“Ke ne ka jela rakgadi nala kwa Maputo.” a mo araba.
“A o setse o kile wa ya kwa teng?”

“Nnyaya,” ga rialo Kaelo. “Go ntse jang?”

“Go na le dikago tse di kwa godimo.” a mo kaela. Le lebopo le gaufi! E bile ke bone le lewatle!”

“Mmalo!” Kaelo a rialo. “Le nna ke batla go ya kwa teng.”



Morago ga foo Tumelo a tabogela gona kwa moswinking. “Dumelang!” a rialo.

“O tswa kae ka malatsi a boikhutso?” ga botsa Kaelo.


“Ke tswa Zimbabwe.” ga rialo Tumelo. “Ke ne ka jela nkoko nala. Re tsere leeto le leleele ka bese. Re ne ra ya go bona diphororo tse dikgolo.” a rialo. “Di bidiwa Victoria Falls!”

“Mmalo!” Kaelo a rialo. “Ke batla go ya kwa teng le nna.”



Mo bofelong, Atang a tla gona kwa moswinking, a rwele kgetsana e ntšhwa ya mokwatla. “Bona kgetsana e ntšhwa e ke e rekileng kwa Gauteng,” a rialo. “Go na le mabenkele a le mantsi koo!” a rialo. “Gape go na le Lefelo le legolo la mabenkele!”

“Mmalo!” Kaelo a rialo. “Ke batla go ya kwa teng le nna.”



Kaelo o ne a ikutlwa a sa itumelela go boela sekolong le fa go ntse jalo. “Ke eletsa gore ke ka bo ke ne ke ile golo gongwe go go šwa,” Kaelo a ipolelela. “Ke sa le ke setse fela mo gae.” Tshipi e ne ya lela.

E ne e le nako ya go kwala tsa Boitlhamedi.

“Gompieno re ya go kwala ka ga se re neng re se dira ka malatsi a boikhutso!” ga rialo Rre Maboya.

Kaelo a ikutlwa a sa itumela. “Nka kwala ka ga eng? Ga ke batle ope a bone lekwalo le le bodutu la me,” a nagana.



Rre Maboya a bontsha barutwana gore ba dire eng. A itshwantsha mo patitšhokong. A tlotlela barutwana botlhe ka ga malatsi a gagwe a boikhutso. “Ke ne ke ntse mo gae mme ka buisa dibuka tse dintsi,” Rre Maboya a rialo. “Ke ne ka jala ditamati tse dintšhwa mo tshingwaneng ya me. Ke ntse le nako e ntsi le balelapa la me.” a ba bolelela.


“Rre Maboya o ne a ntse mo gae, fela jaaka nna!” ga lemoga jalo Kaelo.



Morago ga foo, Rre Maboya a laela barutwana gore ba nagane ka malatsi a boikhutso a bona. Kaelo a tswala matlho a gagwe. A nagana a ntse le mmaagwe a buisa. A nagana a ntse diura di le dintsi a tshwantsha le monnaawe wa mosetsanyana. A gopola letsatsi le mogolowe wa mosimane a tlileng gae mme ba tshameka kgwele ya dinao mmogo.



Kwa bokhutlong jwa tirokwalo, Rre Maboya a botsa gore ke mang yo o ratang go abelana le ba bangwe ka tlhamo ya gagwe. Letsogo la ga Kaelo la nna la ntlha go tsholediswa.





Puiso ya 1

Simone o ne a ile kwa kae ka malatsi a boikhutso a mariga?

O ne a ile kwa Mozambique.

Tumelo o ne a ile kwa kae ka malatsi a boikhutso a mariga?

O ne a ile kwa Zimbabwe. A ya kwa Victoria Falls.

Atang o ne a ile kwa kae ka malatsi a boikhutso a mariga?

O ne a ile kwa Gauteng.

A o ka dira kgolaganyo? O nagana gore o ne o ka ikutlwa jang fa ditsala tsotlhe tsa gago di ne di ile kwa mafelong a a itumedisang ka malatsi a boikhutso?

- Ke nagana gore nka ikutlwa ke....
- Fa ditsala tsa me di tsamaile, nka....



Puiso ya 2

Kaelo o ne a batla go ya kae?

O ne a batla go ya kwa mafelong otlhe a ditsala tsa gagwe di neng di ile kwa go ona. O ne a batla go ya Mozambique, Zimbabwe le Gauteng.

Rre Maboya o ne a dira eng ka malatsi a gagwe a boikhutso?

O ne a ntse fela fa gae. O ne a jala ditamati mo tshingwaneng ya gagwe. O buisitse dibuka tse dintsi. O nnile le nako ya go nna le balelapa la gagwe.

Kaelo o ne a ikutlwa jang fa a lemoga gore Rre Maboya o ne a ntse fa gae fela jaaka ena?

O ne a ikutlwa botoka. O ne a sa ikutlwe a le botlhoko jalo ka go bo a ne a ntse mo gae, fela jaaka morutabana wa gagwe.

A o ka dira kgolaganyo? Kaelo o ne a fufegela dilo tse dintšhwa tse ditsala tsa gagwe di di dirileng? A o ka nagana ka nako e wena o neng o ikutlwa o fufega?

- Ke ne ke ka ikutlwa ke fufega jaaka Kaelo fa...
- Seo se nkgopotsa...



KGANG 3 AMOGELANG O DIRA MAE A A TLHAKATLHAKANTSWENG

Thitokgang: Re dira diphoso



Tshedimosetso ya Lemorago

- Sethangwa seno ke kgang ya maitlhamelo.
- E diragalela mo Aforikaborwa.
- E diragala mo pakeng ya jaanong.
- Kgang e e tla thusa barutwana ba gago go tlogoganya gore ditshitiso di ka lebisa kwa diphosong le gore ke eng fa go le botlhokwa go nna re tsepamisitse mogopolo fa re na le maikarabelo.



Togaleano la go Tlhaloganya: Dira ditshekatsheko

- Ke eng: Go tsaya tshweetso gore o rata kgang kgotsa ditshweetso tse baanelwa ba di tsereng.
- Goreng re se dirisa: Go tlhama dikakanyo tsa gago le go tlhaloganya kgang mo maemong a a tseneletseng.
- Se thusa jang: E go thusa go akanya ka molaetsa wa kgang le se o se dumelang ka yona.



Dintlha tse o ka di abelanang le barutwana ba gago

- Ka dinako tse dingwe go thata go nna o tlohlile mogopolo fa go diragala sengwe se se monate. Batho ba ka fatlhega fa ba bona kgotsa ba utlwa sengwe se se itumedisang, tota le fa ba leka go dira tiro nngwe ya botlhokwa.
- Fa re dira boitlhophele, go ka nna le ditlamorago. Ka dinako tse dingwe phoso e diragala ka gonne re tlogela go nna kelotlhoko.
- Mongwe le mongwe o dira diphoso ka dinako tse dingwe. Ka dinako tse dingwe re dira diphoso, tota le fa re leka go dira se se siameng.
- Kgang eno gape e re rotloetsa go akanya ka diphoso tsa rona gore re tlogele go di boeletsa. Mmaagwe Amogelang le ralebenkele ba mo lemosa gore a nne kelotlhoko. Seno se ka raya gore o kile a dira diphoso tse di botlhaswa mo nakong e efetileng.



Go dirisa togaleano le kgang eno:

Tsebe le temana	Puiso ya	Bua jaana
28,2	“Ke a leboga! O tshole dilo tse ka kelotlhoko gore o seka wa thuba mae,” ga rialo rrabenkele. “O seka wa tshwenyega, Rre Gumede, ke kelotlhoko ka dinako tsotlhe,” Amogelang a araba jaaka a tswa ka kgoro.	A ke eme mme ke sekaseke semelo sa ga Amogelang: Ke akanya gore Amogelang o tshwanetse a bo a thuba dilo gantsi, ka gonne mongwe le mongwe o mo gakolola gore a nne kelotlhoko. Ke dira tshekatsheko ya gore a ka tswa e se motho yo o kelotlhoko jalo.
30,1	“Go siame, gongwe thago e le nngwe fela e ka se tshwenye! Mme a ka se itse!” Amogelang a akanya jalo, a tabogela kwa ditsaleng tsa gagwe. A leka go taboga ka kelotlhoko. O ne a sa batle go thuba mae!	A ke eme mme ke sekaseke semelo sa ga Amogelang: Nka dira tshekatsheko ya gore ga a kelotlhoko thata. Mongwe le mongwe mo kgannyeng o ne a mo gakolola gore a nne kelotlhoko... mme jaanong, o taboga ka mae! Seo ga se selo se se tshwanetseng go diragala fa o le kelotlhoko!

Mmaagwe Amogelang o ne a tshwaragane le go dira dilalelo.

“Ke ya go tshameka kgwele ya dinao le ditsala tsa me!” Amogelang a goeletsa, a taboga, a tswa ka kgoro.

“Ema!” ga bitsa jalo mmaagwe Amogelang. “Tswée tswée, ke kopa o ye kwa lebenkeleng, o ye go reka tosene ya mae le lebotlolo la mašwi,” ga rialo mmaagwe jaaka a mo neela lenaane la direkwa le madi.

Amogelang o ne a sa batle go ya kwa lebenkeleng, fela o ne a nyenya fela mme a re, “Go siame mme!”

Ke a leboga! “Tswée tswée, o nne kelotlhoko gore o se thube mae,” mmaagwe a mo laela.


“O seka wa tshwenyega mme, o a itse ke kelotlhoko.” Amogelang a araba jaaka a tswa ka mojako.



Amogelang a tsamaya a ya kwa lebenkeleng. Fa a fitlha kwa teng, a buisa lenaane la gagwe la direkwa. A tsaya mae le mašwi. Morago ga foo, a ya go di duelela. A neela rralebenekele madi.

“Ke a leboga! O tshole dilo tse ka kelotlhoko gore o seka wa thuba mae.” ga rialo rralebenekele.

“O seka wa tshwenyega, Rre Gumede, ke kelotlhoko ka dinako tsotlhe.” Amogelang a araba jaaka a tswa ka kgoro.




Amogelang a tsamaya ka kelotlhoko a ya gae. O ne a sa batle go thuba mae! Fela, a utlwa ditsala tsa gagwe.

O ne a ba utlwa ba tshega. O ne a kgona go utlwa gore ba raga kgwele.

“Fela fa ke se na go gorosa mae le mašwi kwa gae, ke tlaa boa ke tla go tshameka,” Amogelang a akanya jalo.

Amogelang a tswelela go tsamaya ka kelotlhoko go ya gae. O ne a sa batle go thuba mae!

Teng fela foo, Amogelang a utlwa tsala ya gagwe Kopano a bitsa leina la gagwe. “Amogelang tlaya re tshameke! Re a go tlhoka monna!” Kopano a mmitisa.



“Go siame, gongwe thago e le nngwe fela e ka se tshwenye! Mme a ka se itse!” Amogelang a akanya jalo, a tabogela kwa ditsaleng tsa gagwe. A leka go taboga ka kelotlhoko. O ne a sa batle go thuba mae!




E rile fela fa Amogelang a simolola go tabogela kwa ditsaleng tsa gagwe, a kgopiwa ke letlapa mo tseleng. Setsholamae sa wela fa fatshe. Mae a a thubegileng a gasagana gotlhe. Amogelang o tshetswe ke leraga la mae!

“Nnyaa tlhe!” Amogelang a lela. “Ke ya go raya mme ke reng tota?”

“Mmolelele gore o dirile mae a a tlhakatlhakantsweng!” Kopano a e dira motlae.

Kopano le Amogelang ba keketega ka ditshego.





Puiso ya 1

Amogelang o tshwanetse go reka eng kwa lebenkeleng?

O tshwanetse go reka mae le mašwi.

Ke mang yo a biditseng Amogelang go ya go tshameka kgwele ya dinao?

Tsala ya gagwe Kopano o mmiditse go tla go tshameka.

Goreng Amogelang a ne a sweetsa go tshameka kgwele ya dinao?

- Ka gonne tsala ya gagwe Kopano o ne a mmitsa go tla go tshameka.
- O ne a akanya gore a ka raga kgwele mme a se thube mae.
- O ne a akanya gore a ka raga gangwe fela.
- O ne a akanya gore mmaagwe a ka se itse.



Puiso ya 2

O akanya gore mmaagwe Amogelang o tlaa ikutlwa jang fa Amogelang a goroga kwa gae?

Ke akanya gore o tlaa ikutlwa a... gonne...

O akanya gore Amogelang o ikutlwa jang fa a digile mae? Goreng o akanya jalo?

Ke akanya gore o ikutlwa a... gonne...

A o akanya gore Amogelang ke motho yo o kelotlhoko? Tlhalosa karabo ya gago!

- Nnyaa, ke akanya gore ga se motho yo o kelotlhoko. Ke akanya gore mmaagwe mmogo le ralebenkele ba mmoleletse go nna kelotlhoko. Fa ba ne ba akanya gore o kelotlhoko, go ne go ka se tlhokege gore ba mo gopotse.
- Nnyaa, ke akanya gore ga se motho yo o kelotlhoko ka gonne o ne a sweetsa go tshameka kgwele ya dinao a santse a tshwere mae!
- Ga ke akanye gore ke motho yo o kelotlhoko gonne o tabogela kwa ditsaleng tsa gagwe ka mae!
- Fa Amogelang e ne e le motho yo o kelotlhoko, a ka bo a isitse mae gae pele. Ga ke akanye gore ke motho yo o kelotlhoko gonne ga a ya gae pele, o ne a ya go tshameka kgwele ya dinao.

KGANG 4 TEKO YA DIPALO E E BONOLO YA GA LERATO

Thitokgang: Re dira diphoso



Tshedimosetso ya Lemorago

- Sethangwa seno ke kgang ya maitlhamelo.
- E diragalela mo Aforikaborwa.
- E diragala mo pakeng ya jaanong.
- Kgang e e tla thusa barutwana ba gago go tthaloganya gore go itshepa kwa ntle ga go ikatisa go ka baka diphoso, le gore go ithuta go tswa mo maitekong le go itshoka.



Togaleano la go Tthaloganya: Dira diphopholetso tsa kitso

- Ke eng: Go fopholetsa dilo tse mokwadi a sa di tthaloseng ka tthamalalo, o dirisa metlhala mo kgannyeng.
- Goreng re se dirisa: Go tthaloganya bokao jo bo tseneletseng le melaetsa e e fitlhegileng.
- Se thusa jang: E go thusa go tsaya ditshweetso fa o buisa, le go tthaloganya kgang le baanelwa botoka.



Dintlha tse o ka di abelanang le barutwana ba gago

- Bokgoni jwa dipalo bo tthoka go ikatisa gore o tokafale. Gore re nne botoka mo dipalong, re tshwanetse go ikatisa ka metlha. Go ikatisa go re thusa go gakologelwa le go tthaloganya bokgoni jo bontšhwa.
- Barutabana ba neela tirogae go thusa barutwana go ithuta. Tirogae ke tiro e e neelwang ke morutabana go thusa barutwana go ikatisa ka se ba se ithutileng mo phaposing.
- Diteko di dirisiwa go thusa go lekola se barutwana ba se dirang le se ba sa se tthaloganyeng. Teko e thusa morutabana go bona gore barutwana ba itse eng le gore ba santse ba tthoka go ithuta eng.
- Go itshepa go feta selekanyo go ka baka mathata ka gone fa re akanya gore sengwe se bonolo, re ka nna ra se ka ra ikatisa kgotsa ra ipaakanya sentle, mme morago ga moo re ka dira diphoso fa re kwala diteko.



Go dirisa togaleano le kgang eno:

Tsebe le temana	Puiso ya	Bua jaana
36,1	Fa barutwana ba bangwe mo phaposing ya ga Lerato ba di kopololela mo dibukeng tsa bona, Lerato ena o ne a kgwarakgwara fela.	Ke dira diphopholetso tsa gore Lerato o akanya gore o na le bokgoni mo dipalong mo e leng gore ga a tlhoke go leka ka natla kgotsa go ela tlhoko mo phaposiborutelong.
43,1	Fa Mme Pitse a ba neela diteko tsa bona, barutwana ka ena ba dira dipalo tsa bona ka bonako, fela Lerato ena a kwalela ka bonya. "Teko e e marara, e thata! Teko e, e a gobeleta!" a akanya jalo.	Ke dira diphopholetso tsa gore Lerato ga a ka a ikatisa mo go lekaneng, ka jalo tlhatlhobo e utlwala e le thata mo go ene.

Lerato o ne a ntse a dira sentle mo dipalong. O ne a kgona go bala a sa emise. O ne a kgona go tlhakanya dipalo ka tlhogo. O ne a akanya gore dipalo di bonolo.

Fa Mme Pitse a ruta barutwana mo phaposing ka ga go ntsha, Lerato o ne a akanya gore go ntsha go bonolo.



Mme Pitse o ne a kwala dipalo mo patitšhokong. O ne a laela barutwana botlhe mo phaposing go di kopolola. Fa barutwana ba bangwe mo phaposing ya ga Lerato ba di kopololela mo dibukeng tsa bona, Lerato ena o ne a kgwarakgwara fela.

“Nna ke itse dipalo tota. Dipalo di bonolo. Ga ke tlhoke go ikatisa!” a akanya jalo.



Fa Mme Pitse a tsweletse ka go dira dipalo le barutwana, Lerato o ne a lebeletse kwa ntle ka letlhabaphefo. O ne a akanya ka dilo tsotlhe tse a batlang go di dira kwa ntle.

“Nna ke itse dipalo. Dipalo di bonolo. Ga ke tlhoke go ikatisa!” a akanya jalo.



“Lebelelang diphoso tsa lona mme lo netefatse gore lo tlhaloganya fa lo dirileng diphoso teng!” Mme Pitse a bolelela phaposi yotlhe. Fa barutwana ka ena ba lebeletse diphoso tsa bona, Lerato ena o ne a ya kwa ntlwanaboithusetsong.

“Ke itse dipalo. Dipalo di bonolo. Ga ke nke ke dira diphoso!” a akanya jalo.



Mme Pitse a ba neela matlharetiro a bona. “Dirang dipalo tse kwa gae jaaka tirogae! Re ithuta ka go ikatisa gantsintsi!” Mme Pitse a bolelela phaposi. Lerato a tsenya letlharetiro mo kgetsaneng ya gagwe ya dibuka.

“Nna ke itse dipalo. Dipalo di bonolo. Ga ke tlhoke tirogae!” a akanya jalo.



Mo bosigong joo, fa barutwana mmogo le Lerato ba dira dipalo tsa go ntsha ka thata, Lerato o ne a lebeletse thelevišene.

“A o na le tirogae?” rraagwe Lerato a botsa.

“Nnyaa,” a bua maaka.

“Nna ke itse dipalo. Dipalo di bonolo. Ga ke tlhoke go dira tirogae eo!” a akanya jalo.



Ka letsatsi le le latelang kwa sekolong, Mme Pitse a phutha tirogae go tswa mo barutwaneng. “Lerato, tirogae ya gago e kae?” a botsa.

“Ke e lebetse kwa gae,” Lerato a bua maaka. “Fela o seka wa tshwenyega, nna ke itse dipalo!” ga rialo Lerato.

“Lerato, mongwe le mongwe o tlhoka go dira ikatiso ya dipalo ka dinako tsotlhe!” ga rialo Mme Pitse.

Fela Lerato o ne a sa reetsa. “Nna ke itse dipalo. Dipalo di bonolo. Ga ke tlhoke go dira ka thata!” a akanya jalo.

Malatsi a le mmalwa morago ga foo, Mme Pitse a itsise barutwana gore ba tlaa kwala teko ya phaposi mo letsatsing le le latelang. Lerato o ne a sa etsaetsege.

“Nna ke itse dipalo. Dipalo di bonolo. Nka falola teko nngwe le nngwe!” a akanya jalo.



Mo bosigong joo, fa barutwana mmogo le Lerato ba ithuta dipalo tsa go ntsha, Lerato ena ke fa a bogetse thelevišene.

“A ga o na teko ka moso?” rraagwe Lerato a botsa. “O tshwanetse o ithute!”

“Ke setse ke ithutile,” a bua maaka.

“Go tlaleletsa foo, ke itse dipalo. Dipalo di bonolo. Ga ke tlhoke le fa e le go ithuta tota!” a rialo.



Fa Mme Pitse a ba neela diteko tsa bona, barutwana ka ena ba dira dipalo tsa bona ka bonako, fela Lerato ena a kwalela ka bonya.

“Teko e e marara, e thata! Teko e, e a gobelela!” a akanya jalo.

Fa Mme Pitse a ba itsise gore nako e fedile, Lerato o ne a kgonne fela go dira dipalo go fitlha mo halofong ya teko yotlhe.





Fa Mme Pitse a ba busetsa diteko tsa bona mo letsatsing le le latelang, Lerato o ne a sa falola.

Fa sekolo se tswa, barutwana ka ena fa ba sena go tswa mo phaposing, a kgona go bona Mme Pitse.

“Morutabana, ke dirile phoso,” a amogela phoso ya gagwe. “Ke ne ke akanya gore ke itse dipalo. Ke ne ke akanya gore dipalo di bonolo. Ke ne ke sa ikatise e bile ke ne ke sa ithute,” a lela.

Mme Pitse a lebelela Lerato ka botebo. “Re ka kgona go nna baitseanape mo go sengwe le sengwe fa fela re ikatisa. O ntse o itse dipalo gonne o ne o dira tirogae e bile o ithuta,” a rialo.

“Ke go tshepisa go dira ka thata mo dipalong,” ga rialo Lerato.

Fa morago ga letsatsi leo, Lerato a fetola mokgwa o a akanyang ka ona, wa gore, “Nna ke itse dipalo, dipalo di lebega di le bonolo thata fa ke ithuta!”



Puiso ya 1

Lerato o ne a dira eng fa barutwana ka ena ba kwalolola dipalo tsa bona?

Lerato o ne a kgwarakgwara fela.

Lerato o ne a dira eng fa barutwana-ka-ena ba ithuta dipalo tsa go ntsha?

Lerato o ne a lebeletse TV.

Goreng Lerato a sa falola teko ya dipalo?

- Gonne o ne a sa ithute.
- Gonne o ne a akanya gore dipalo di bonolo.
- Gonne o ne a sa ikatisetse dipalo tsa gagwe mo phaposing kgotsa a sa dire tirogae.
- Gonne o ne a akanya gore o itse dipalo, ka jalo ga a tlhoke go ithuta.
- Gonne o ne a sena nako e e lekaneng ya go fetsa teko ya gagwe.
- O ne a sa ikatisetsa dipalo tsa gagwe, ka jalo o ne a sa kgone go direla dipalo ka bonako gore a kgone go falola teko.



Puiso ya 2

Ke phoso efe e Lerato a e dirileng?

- O ne a sa ikatisetsa dipalo tsa gagwe kgotsa go ithutela teko ya gagwe. Seo, e ne e le phoso tota!
- Ga a falola teko. Seo, e ne le le phoso e kgolo tota!

Lerato o ithutile eng tota?

O ithutile gore o itse dipalo, mme dipalo di nna bonolo fa o ikatisa le go ithuta!

Goreng fa Lerato a ne a sa nagane gore o tlhoka gore a ikatisetse dipalo tsa gagwe?

- Gonne o ne a akanya gore o itse dipalo tota.
- Gonne o ne a akanya gore dipalo di bonolo.
- Gonne o ne a akanya gore a ka se dire phoso epe.
- Gonne o ne a akanya gore fa o itse sengwe, ga o tlhoke go se ikatisetsa.
- Gonne o ne a sa lemoge gore o tshwanetse go dira ka thata le go ikatisa gore a nne le kitso mo go sengwe.
- O dirile phoso ya go akanya gore go itse sengwe go kaya gore ga o tlhoke go dira ka thata.

KGANG 5 SEBINI SE SE TLHWATLHWA LLOYD

Thitokgang: Re a bina



Tshedimosetso ya Lemorago

- Sethangwa seno ke kgang ya maitlhamelo.
- E diragalela mo Ghana.
- E diragetse mo malobeng.
- Kgang e e tla thusa barutwana ba gago go tlhaloganya gore go latela se o se ratang go ka go isa kwa katlegong le gore batho ba ba nang le bokgoni ba ka thusa ba bangwe go fitlhelela ditoro tsa bona.



Togaleano la go Tlhaloganya: Dira ditshekatsheko

- Ke eng: Go tsaya tshweetso gore o rata kgang kgotsa ditshweetso tse baanelwa ba di tsereng.
- Goreng re se dirisa: Go tlhama dikakanyo tsa gago le go tlhaloganya kgang mo maemong a a tseneletseng.
- Se thusa jang: E go thusa go akanya ka molaetsa wa kgang le se o se dumelang ka yona.



Dintlha tse o ka di abelanang le barutwana ba gago

- Go bina ga se go ijesa monate fela - gape ke mofuta wa botaki. Batho ba dirisa go bina go bontsha maikutlo, go anela dikgang le go ntsha ba bangwe bodutu. Gape go ka diragadiwa mo seraleng kgotsa mo bidiong.
- Batho bangwe ba dumela gore ditiro dingwe di botlhokwa go feta tse dingwe. Sekao, ka dinako tse dingwe batho ba akanya gore dipalo kgotsa saense di botlhokwa thata go feta go bina kgotsa mofuta e mengwe ya botaki.
- Metswedi ya go ikgolaganya e dirisiwa go abelana ditshwantsho le dibidio le batho ba le bantsi. Metswedi ya go ikgolaganya e etshwanang le Instagram e dira gore batho ba kgone go abelana ka dibidio le ditshwantsho le ba bangwe mo lefatsheng lotlhe.
- “Go ya phatlalatsa” go raya gore batho ba le bantsi ba lebelela le go abelana bidio, setshwantsho kgotsa athikele eo ka bonako.



Go dirisa togaleano le kgang eno:

Tsebe le temana	Puiso ya	Bua jaana
50,4	Laud a nna le kgatelelo ya go tlogela go bina, fela o ne a itse gore a ka se nne le botshelo jo bo monate fa a sa bine. A sweetsa ka gore ke pitso ya gagwe go dira gore batho ba fetole megopolo ya bona mabapi le go bina.	A ke eme mme ke sekaseke semelo sa ga Laud: Ke akanya gore Laud o ikemiseditse e bile o a itshepa, ka gonne ga a ineele mo go se a se ratang le fa ba bangwe ba mo kgoba marapo.
53, 1	Le fa go ntse jalo, o ne a lemoga gore ga a batle go bina fela, o batla go thusa dibini tse dingwe tsa bašwa gore le tsona di fitlhelele ditoro tsa	A ke eme mme ke sekaseke semelo sa ga Laud: Ke akanya gore Laud o pelontle e bile o lerato, gonne o dirisa katlego ya gagwe go ema nokeng dibini tse dingwe tse dipotlana.

Go bina go ne go dira gore Laud Konadu a ikutlwe a itumetse. O ne a eta a bina fa a ya sekolong. Maoto a gagwe a ne a binabina ka fa tlase ga tafole ya gagwe letsatsi lotlhe kwa sekolong. O ne e bile a bina le fa a kgabaganya le lebala la kgwele ya dinao.

Fa Laud a bina, o ne a sa kgone go itshoka mme a nnela go nyenyanyenya.



Fela Laud o ne a le monnye, batho ba ne ba sa mo rotloetse go ka nna sebini.

“Laud, batho ba tla nagana gore o seeleele fa o nnela go bina ka dinako tsotlhe,” balelapa ba rialo.

“Laud, go bina ga gona seriti! Tlhopha go dira sengwe fela e seng go bina!” ga rialo morutabana.

“Laud, kgwele ya dinao e botlhokwa tota go feta go bina!” ditsala tsa gagwe tsa mmolelela.

Laud a nna le kgatelelo ya go tlogela go bina, fela o ne a itse gore a ka se nne le botshelo jo bo monate fa a sa bine. A sweetsa ka gore ke pitso ya gagwe go dira gore batho ba fetole megopolo ya bona mabapi le go bina.



Laud a sweetsa go itirela thulaganyo ya go ikatisetsa dikgato tsa go bina ka manontlhotlho. O ne a nna diura mo metsweding ya go ikgolaganya le ba bangwe a bogetse batho ba bina go tswa kwa dikarolong tsotlhe tsa kontinente ya Aforika mme a itlhamela mokgwa wa gagwe wa go bina. Morago ga foo, a kopa tsala gore a mo gatisise fa a bina ka mogala wa gagwe. Kwa bofelong, a romela bidio ya gagwe mo Instagram.



Bidio ya ga Laud ya tlalatlala gotlhe. Diketekete tsa batho go ralala lefatshe ba lebelela bidio ya ga Laud a bina.

“Go a gakgamatsa!” mongwe a tshwaela.


“O tota o le naledi!” ga kwala yo mongwe.

“Bidio e, e natefisitse letsatsi la me!” ga rialo wa boraro.

Go tloga ka letsatsi leo, Laud o ne a itsiwe e le “Sebini se se tlhwatlhwa Lloyd.”



Sebini se se tlhwatlhwa Lloyd o ne a rata go tsewa tsia mo metsweding ya go ikgolaganya le ba bangwe ka bidio ya gagwe ya go bina. Le fa go ntse jalo, o ne a lemoga gore ga a batle go bina fela, o batla go thusa dibini tse dingwe tsa bašwa gore le tsona di fitlhelele ditoro tsa bona. Sebini se se tlhwatlhwa Lloyd a simolola go romela dithutiso tsa go ruta babogedi go bina ka mokgwa o a binang ka ona.



Sebini se se tlhwatlhwa Lloyd a nna fa fatshe le ditsala tsa gagwe tsa tlhogo ya kgomo.

“Fa ke simolola go bina, ke ne ke nagana gore ke tla bina fela mo diraleng tse dikgolo. Fela jaanong, se ke se naganang fela ke go rotloetsa bašwa ba bangwe ba mo Ghana,” a rialo.

Mmogo ba ne ba bula sekolo sa go bina, ba se bitsa “Dance with a Purpose Academy.” Ka bokhutshwane e bidiwa DWP.



Sebini se se tlhwatlhwa Lloyd le ditsala tsa gagwe ba ne ba rata go netefatsa fa DWP e ne e buletswe mošwa mongwe le mongwe yo o nang le bokgoni ba go bina.


Ka jalo, ba sweetsa gore ba tla duelela ditshenyegelo tsotlhe tsa sebini sengwe le sengwe se se nang le bokgoni ba go ka amogelwa mo sekolong.



Letsatsi lengwe, Sebini se se tlhwatlhwa Lloyd o ne a tlhola Instagram fa a sena go romela thutiso e ntšhwa ya go bina. A lemoga bidio e e rometsweng ke mosimane wa mošwa yo o bidiwang Hubert. Hubert o ne a sala dikgato tsotlhe tsa go bina ka boitlhamedi le botswerere. Laud a bona fa Hubert e le moithuti yo o maleba wa DWP. Fa Sebini se se tlhwatlhwa Lloyd a kopana le Hubert, ba nna mmogo mme ba bua. Laud a lemoga fa Hubert a na le dingwaga di le 10 fela. O ne a tlhokofaletswe ke batsadi ka bobedi a santse a le mmotlana. Sebini se se tlhwatlhwa Lloyd a dira maano a gore Hubert a fudugele kwa Accra go tla go tsenela dithuto mo DWP. O ne a rulaganyetsa Hubert tsa sekolo, dijo le bonno.



“Se ke toro ya me,” Sebini se se tlhwatlhwa Lloyd a bolelela tsala ya gagwe, “go thusa ka go aga baša ba e tla nnang bomankge ba go bina, go sa kgathalasege gore madi a bona a mannye go le go kana kang.”



Sebini se se tlhwatlhwa Lloyd a simolola go ruta mo dithutanong tse di sa duelelweng go bašwa go ralala Ghana, go phasalatsa boitumelo le go fetola megopolo ya batho ka go bina. Fa a ntse a tsamaya go ralala Ghana, o ne a lepa dibini tse di naana, tse di boitlhamedi jaaka Hubert go tsena mo akademing ya go bina.





Puiso ya 1

Leina la maithéo la ga Laud e ne e le mang fa a sena go romela bidio ya gagwe mo motsweding wa go ikgolaganya le ba bangwe?

O ne a bidiwa “Sebini se se tlhwatlhwa Lloyd”.

Hubert e ne e le mang?

- E ne e le moithuti kwa DWP.
- Hubert e ne e le sebini se Laud a se boneng mo Instagram.

Ke goreng fa Laud a ne a sweetsa ka go bula DWP?

- Ka gonne a ne a batla go thusa bašwa ba bangwe ba kwa Ghana go nna dibini.
- Ka gonne a ne a batla go fetola megopolo e e mabapi le go bina mo go ba bangwe gape, e seng mo go ena ka nosi fela.
- Ka gonne a ne a batla go ruta bašwa ba kwa Ghana go bina.
- Ka gonne go mo thusitse gore a kgone go fitlhelela maikaelelo a gagwe a go fetola megopolo ya batho mabapi le go bina.



Puiso ya 2

Leina la sekolo sa go bina se Laud a se butseng ke mang?

Se ne se bidiwa Dance with a Purpose Academy (DWP ka bokhutshwane).

Mogopolo wa gago mabapi le go bina ke eng? (O nagana eng ka go nna sebini?)

Mogopolo wa me mabapi le go bina ke...

Goreng Laud a ne a batla go fetola megopolo ya batho ka ga go bina?

- Ka gonne o ne a batla gore bašwa ba kgone go lora go nna dibini.
- Ka gonne batho ba ne ba mo tshotse makgwakgwa fa a ne a le monnye, o ne a batla gore go nne bonolo mo bathong ba bangwe.
- Ka gonne a ne a rata go bina, mme a batla batho gore ba bone botlhokwa jwa go bina.
- Ka gonne a ne a batla gore bašwa ba kgone go fitlhelela ditoro tsa bona tsa go nna dibini.



KGANG 6

MUSA MOTHATHA: SEBINI SE SE GANETSANG MAATLA A KGOGEDI!

Thitokgang: Re a bina



Tshedimosetso ya Lemorago

- Sethangwa seno ke sa ditiragalo tsa boammaaruri le maitlhamelo.
- E diragalela mo Aforikaborwa
- E diragetse mo malobeng.
- Kgang e e tla thusa barutwana ba gago go tlhaloganya gore go itsetsepela, boithlamedi, le maikemisetsa di ka thusa batho go fenywa dikgwetlho le go fitlhelela ditiro tsa bona.



Togaleano la go Tlhaloganya: Dira ditshekatsheko

- Ke eng: Go tsaya tshweetso gore o rata kgang kgotsa ditshweetso tse baanelwa ba di tsereng.
- Goreng re se dirisa: Go tlhama dikakanyo tsa gago le go tlhaloganya kgang mo maemong a a tseneletseng.
- Se thusa jang: E go thusa go akanya ka molaetsa wa kgang le se o se dumelang ka yona.



Dintlha tse o ka di abelanang le barutwana ba gago

- Batho ba na le ditiro tse di fetogang fa nako e ntse e tsamaya. Batho ba ka nna le ditiro tse di farologaneng fa e le bašwa, mme ka dinako dingwe ditiro tseo di a fetoga ka ntlha ya maitemogelo a botshelo.
- Ka dinako tse dingwe batho ba lwala thata kgotsa go gobala, mme dingaka di ba thusa ka diteko le dikalafi. Malwetse mangwe a ka ama tsela e mmele o dirang ka teng.
- Batho ba ba sa itekanelang ba ka dirisa didirisiwa le go dira ditlwaelo go tsamaya le go tsaya karolo mo ditirong. Batho bangwe ba dirisa didirisiwa tse di jaaka dithobane kgotsa ditulo tsa maotwana. Batho ba bangwe ba kgona go dira ditlwaelo mme ba sa ntse ba tsaya karolo ka botlalo mo ditirong. Ba bangwe ba fetola tsela e ba dirang ditiro ka yone gore ba tsaye karolo ka botlalo.
- Batho ba ba nang le bokgoni jo bo farologaneng jwa mmele ba ka dira dilo tse di gakgamatsang, ba fitlhelela mekgele ya bone le go rotloetsa ba bangwe ka bokgoni jwa bone.



Go dirisa togaleano le kgang eno:

Tsebe le temana	Puiso ya	Bua jaana
65,2	Musa o ne a lebagane le tshweetso e e thata ya go dumela gore leoto la gagwe le kgaolwe go thibela kankere go nama.	A ke eme mme ke sekaseke semelo sa ga Musa: Ke akanya gore Musa o pelokgale e bile o ikemiseditse, ka gone o dira tlhopho e e thata go boloka botshelo jwa gagwe, le fa e fetola isago ya gagwe.
69,1	O ne a lemoga gore go nna sebini sa leoto le le lengwe, go raya go ganetsa maatlakgogedi, ka go nna le maatla ka bowena, le go tsetsepela. Mo tsamaong yotlhe ya ikatiso ya gagwe o ne a dira maatlakgogedi tsala ya gagwe.	A ke eme mme ke sekaseke semelo sa ga Musa: Ke akanya gore Musa o ikemiseditse mo go feteletseng e bile o dira ka natla, ka gone ga a ineele. O ikamanya le maemo mme o nna a tokafatsa go bina ga gagwe le fa a na le dikgwetho.

Kgang e, e ka ga Musa Motha, sebini se se
gakgamatsang wa Aforikaborwa.



Fa Musa a ne a le monnye, o ne a sa akanye gore a ka nna sebini. Toro ya gagwe e ne e le go nna naletsana ya kgwele ya dinao. O ne a rata go taboga mo lebaleng, a ntse a dira malea ka kgwele ya gagwe ya dinao.

Ka letsatsi lengwe, Musa a le dingwaga di le robongwe, mongwe o ne a mo raga mo lengoleng fa ba ne ba le mo motshamekong. Lengole la gagwe le ne le sa nne botoka, le ne le ruruga bosigo bongwe le bongwe mo dibekeng di le mmalwa. Batsadi ba gagwe ba ne ba lemoga gore se ga se kgobalo e e tlwaelegileng. Ba sweetsa go mo isa kwa bookelong.



Mo dikgweding di le thataro, go ne go se yo o kgonang go lemoga gore ke ka ntlha yang lengole la ga Musa le ruruga. O tsamaile maakelo a le mmalwa. O tlhatlhobilwe ke dingaka tse di farologaneng di le dintsi. Ba dirile diteko di le mmalwa go batlisisa gore ke eng se se dirang go ruruga mo lengoleng la ga Musa.

Kwa bofelong mongwe wa dingaka a sweetsa go mo dira karonyana e e bidiwang baeopsi. Fa dipholo di bowa, ga lemosaga gore Musa o na le mofuta wa kankere ya marapo o o bidiwang Osteosarcoma. Musa o ne a lebagane le tshweetso e e thata ya go dumela gore leoto la gagwe le kgaolwe go thibela kankere go nama.




Go kgaolwa ga leoto la ga Musa go ne go raya gore o ne a tla fola kankere. Go ne gape go raya gore toro ya gagwe ya go nna naletsana ya kgwele ya dinao e a phuthama. A ka seka a tlhola a kgona go taboga mo lebaleng kgotsa go dira malea a ntse a raga kgwele. Musa a sweetsa go tlhoma mogopolo mo dilong tse a ka kgonang go di dira ka seemo se a leng mo go sona.



Mokgatlho mongwe o o bidiwang “Reach for a Dream,” o o thusang bana ba ba tshwerweng ke malwetse a a masisi, o ne wa rekela Musa radio e tona e e modumomogolo. Musa a simolola go rata mmino thata. Mmino o ne wa mo lemosa gore a ka dirisa mmele wa gagwe ka mokgwa mongwe. O ne a simolola go ikatisetsa go bina.




Ka ngwaga wa 2017, Musa o ne a ya go ipapaletsa setheo sa bomankge ba mmino se se bidiwang Vuyani. O ne a amogelwa ka ntlha ya bokgoni le matsetseleko a a neng a bina ka ona, le mokgwa o o kgethegileng o a neng a o bontsha mo seraleng.



Kwa setheong sa mmino sa Vuyani, fa Musa a le kwa ikatisong, e ne e le ena fela sebini sa bokgoni jo bo farologaneng. Go ntse go le jalo , Musa a amogela dikgwetlho tsotlhe. O ne a lemoga gore go nna sebini sa leoto le le lengwe, go raya go ganetsa maatlakgogedi, ka go nna le maatla ka bowena, le go tsetsepela. Mo tsamaong yotlhe ya ikatiso ya gagwe o ne a dira maatlakgogedi tsala ya gagwe.



Mo tsamaong ya ikatiso ya gagwe, Musa a nna mongwe wa baeteledipele ba dibini kwa setheong sa dibini sa Vuyani. Mme o ne a santse a tshwanelwa ke go dira ka natla letsatsi le letsatsi. Go ne go se bonolo mo batlhaming ba thulaganyo le dikgato tsa go bina go dira tsamaotlwaelo e e tsamaisanang le mokgwa wa ga Musa wa go bina. Musa o ne a tshwanelwa ke go fetolakaka dikgato tse di diretsweng mebele e e se nang bokoa bope gore di mo siamele.



Fa Musa a diragatsa mo diraleng, babogedi ba le bantsi ba a bo ba ise ba ke ba bone sebini sa mankge a bina ka dikota tsa go ikokotlela. Batho ba tsamaya ba gakgametse, e bile ba rotloeditse ke bontle le botserere jwa mmino wa gagwe.

Musa o rotloetsa babogedi ba gagwe go akanya ka batho ba dikgono tse di farologaneng. Bokgoni jwa gagwe mo seraleng bo thusa go baakanya dikakanyo tsa batho tse di tthaolang batho go ya ka popego ya mmele le ka se ba ka se kgonang. O bontsha batho gore mebele ya dikgono tse di farologaneng e nonofile e bile e mentle.



Ka mmino wa gagwe, Musa Motha o naya bosupi ba gore ga go na sepe se se sa kgonegeng. Ka dinako dingwe Musa o dira ka thata gore mmele wa gagwe otlhe o bo o nne botlhoko. Go ntse go le jalo , o nna le maatla a go ema, a tswelele ka go bina.





Puiso ya 1

Musa o ne a le dingwaga di le kae fa a tshwarwa ke bolwetse jwa kankere?

O ne a le dingwaga di le supa.

Musa o ne a sweetsa go dira eng mo boemong jwa go tshameka kgwele ya dinao?

O ne a sweetsa go nna sebini.

Ke goreng Musa a ne a nna sebini?

- Gonne go ne go sa tihole go kgonega gore a nne motshameki wa kgwele ya dinao.
- Gonne o ne a rata mmmino.
- Gonne mmmino o mo rutile gore go na le mekgwa e le mentsi e e ka dirang gore a kgone go tsamaisa mmele wa gagwe.
- Gonne o ne a batla go baya tlhologanyo ya gagwe mo go tsotlhe tse mmele wa gagwe o ka kgonang go di dira.
- Gonne o ne a ikatisa, a ba a ikatisa gore a bo a amogelwe kwa setheong sa mmmino sa Vuyani.



Puiso ya 2

A o ikutlwa o rotloediwa ke Musa Motha? Tlhalosa.

Ke ikutlwa ke rotloediwa ke Musa Motha gonne...

Musa o farologane jang le dibini ba bangwe?

O farologane le bona gonne o na le leoto le le lengwe fela.

Ke goreng re ka re Musa Motha ke motho yo o nang le maikaelelo?

- Gonne o ne a bona sengwe se mmele wa gagwe o ka se dirang morago ga gore a kgaolwe leoto.
- Gonne o ne a utlwile botlhoko gonne a sa tihole a kgona go nna motshameki wa kgwele ya dinao, fela o ne a sweetsa go batla sengwe se a ka se dirang.
- Gonne o ne a tlhoma tlhologanyo ya gagwe mo go sengwe se mmele wa gagwe o ka se kgonang.
- Gonne o ne a dira ka thata go nna sebini.
- Gonne go bina ke sengwe se se thata mo mothong yo o nang le leoto le le lengwe. Ka jalo Musa o tshwanelwa ke go dira ka thata go gaisa. O leka dilo tsotlhe!
- Gonne Musa ke moeteledipele wa dibini O tshwanetse a bo a dirile ka thata gore e nne mongwe wa dibini tsa ditswerere.
- Gonne batho ba akanya dilo tse di nyatsang batho ba ba sa itekanelang, fela Musa ga a letle ditumelo tseo go mo thibela go nna setswerere go bineng.
- Gonne Musa o fetolakaka metsamao gore e siamele mokgwa wa gagwe wa go bina.

Musa Motha: <https://youtu.be/0E4COuKljAM>



KGANG 7

PHALOSO KA DIDOLOFINI

Thitokgang: Re bona thuso



Tshedimosetso ya Lemorago

- Sethangwa seno ke sa ditiragalo tsa boammaaruri le maitlhamelo.
- E diragetse mo malobeng.
- E diragalela mo California, USA.
- Kgang e e tla thusa barutwana ba gago go tlhaloganya gore ka dinako tse dingwe thuso e ka tswa kwa mafelong a a sa solofelwang, le gore go botlhokwa gore le ka motlha ope o se latlhegwe ke tsholofelo.



Togaleano la go Tlhaloganya: Tshwantsha mo mogopolong

- Ke eng: Go tshwantsha mo mogopolong ka se se diragalang mo kgannyeng.
- Goreng re se dirisa: Go dira gore kgang e utlwagale e le ya boammaruri mme e kgatlhisa.
- Se thusa jang: E go thusa go tlhaloganya gore baanelwa le mafelo a lebeja jang mme se dira gore kgang e utlwale sentle.



Dintlha tse o ka di abelanang le barutwana ba gago

- Didolofini ke diamusi, se se kaya gore di wela mo setlhopheng se le sengwe le batho le dintšwa. Ga se ditlhapi. Sekao, didolofini di hema mowa fela jaaka rona – ga di kgone go hema ka fa tlase ga metsi jaaka ditlhapi. Didolofini di tshwanetse go tihatlogela kwa godimo ga metsi gore di kgone go hema.
- Didolofini ke dingwe tsa ditshedi tse di botsalano thata le tse di bothale thata mo lewatleng. Go na le dikgang di le dintsi tsa didolofini tse di sireletsang batho mo dišakeng. Di dira seno ka go thuma ka didiko go dikologa motho.
- Go sesa mo makhubung a lewatle ke motshameko le tsela ya go itumelela lewatle. Go sesa mo makhubung a lewatle ke motshameko o mo go one motho a emeng kgotsa a robalang mo botong e e kgethegileng mme a palame makhubu a lewatle. Batho ba ba sesang mo makhubung a lewatle ba dirisa tekatekano le bokgoni jwa bone go nna mo botong fa makhubu a ntse a tsamaela go ya kwa lebopong la lewatle.
- Ka palogare, batho ba ka nna 15–30 ba ba sesang mo makhubung a lewatle ba tlhaselwa ke dišaka ka ngwaga. Bontsi jwa ditlhaselo di diragala kwa Dinageng tse di kopaneng tsa Amerika, mme morago ga moo go latele Australia mme morago ga moo Aforikaborwa.




Go dirisa togaleano le kgang eno:

Tsebe le temana	Puiso ya	Bua jaana
81,1	Ka bonako fela, sengwe sa thula boto ya ga Todd thata go tswa kwa tlase! Todd le boto ba fofela dimitara di le tlhano mo moweng. Fa a wela mo metsing Todd a simolola go tshoga. “Go tshwanetse ga bo go na le šaka gaufi!” a ipolelela. Pelo ya gagwe ya iteela ka bonako.	Seno se tshwanetse sa bo se tshositse Todd thata. Ke kgona go tshwantsha mo mogopolo kafa Todd a neng a lebega a tshogile ka teng fa a lathelwa mo moweng.
84,1	Fa šaka e tshwara leoto la ga Todd ka meno a yona a a bogale thata, Todd a dirisa leoto le lengwe go leka go raga šaka ka maatla a a neng a ka a kgona. Fela šaka ya ngangatelela thata.	Ke kgona go tshwantsha mo mogopolong Todd a tsamaya le go raga, a leka go raga šaka. O tshwanetse a bo a ikutlwa a tshogile gore šaka e tla mo kgaola leoto lotlhe!

Kgang e e ikaegile ka kgang ya nnete ya ramakhubu (yo o seselang mo makhubung a lewatile) wa mankge, a bidiwa Todd Endris. Kgang e diragala kwa Monterey Bay, kwa California mo Dinaga Kopanong tsa Amerika.



Mo mosong mongwe go le letobo, Todd a tsamaya mo lebopong. A tswala zipi ya sutu ya gagwe ya metsi mme a tsaya boto ya go sesela mo metsing, jaaka a dira moso le moso ka gale. Fa a tsena mo metsing, a bona didolofini tse dintle tse thataro mo makhubung. “A pono e e sa tlwaelegang!” a nagana. A ema nakwana go di boga bontle.



Fa morago ga foo, Todd a palama boto ya gagwe a simolola go e isa kwa makhubu a kgaoganang teng. A fitlhelela lekhubu le legolo, morago a ya go le lengwe, jaaka a tlwaetse. “Ke letsatsi le le ntle jang go tshamekela mo makhubung!” a ipolelela. “Itlhaganele!” a bitsa tsala ya gagwe Brian, yo o neng a apara sutu ya gagwe ya metsi mo lebopong.



Todd o ne a robala mo botong ya gagwe a feta
makhubu fa a santse a letile Brian go tla kwa go ena.



Ka bonako fela, sengwe sa thula boto ya ga Todd thata go tswa kwa tlase! Todd le boto ba fofela dimitara di le tlhano mo moweng. Fa a wela mo metsing Todd a simolola go tshoga. “Go tshwanetse ga bo go na le šaka gaufi!” a ipolelela. Pelo ya gagwe ya iteela ka bonako.



Todd a goga, a rutla sekgwage sa gagwe go gogela boto ya gagwe kwa go ena. A palama boto ya gagwe a simolola go sesela ka bonako go ya kwa lebopong. Fa a sesela jalo, a tthatlhoba metsi go bona meetse ya ditlhapi.




Teng fela foo, Todd a thulwa ke sengwe gape, ka thata go feta. Fa Todd a wela mo metsing labobedi, šaka e e tumileng e tshweu ya tsenya meno mo mokwatleng wa gagwe. Metsi a tlala madi.


Šaka ya thukutha Todd, e mo isa kwa pele le kwa morago, ya mo isa godimo le tlase. Fa a tlhagelela mo metsing, Todd a tlhaba mokgosi a goa. “Thusang! Nthuseng!” Fa šaka e mo gogela kwa tlase mo metsing, Todd a betsa nko ya šaka gangwe le gape, a leka go dira gore e mo tlogele.



Šaka ya tlogela mokwatla wa ga Todd, go le gonnye fela. Šaka jaanong ya loma leoto la ga Todd, e kete e le metsa lotlhe! Fa šaka e tshwara leoto la ga Todd ka meno a yona a a bogale thata, Todd a dirisa leoto le lengwe go leka go raga šaka ka maatla a a neng a ka a kgona. Fela šaka ya ngangatlela thata.



Go ne go na le go phashama ga metsi go gontsi
moo Todd a neng a sa lemoge didolofini di thuma go
mo dikologa mme di ntse di tlola tlhogo ya gagwe.
A utlwa fela šaka e mo tlogela. Todd a leka go
phaphamala. A gakalela boto ya gagwe fa a lemoga
gore a ka lomiwa la boraro.



Fa Todd a tlhola, a lemoga gore didolofini tse thataro tse dintle di ne di mo dikaganyeditse. Di ne tsa phašaka metsi ka megatla, tsa tshosetsa mokaloba wa šaka e tshweu kgakala. Todd a tlamparela boto ya gagwe.



Morago ga foo, ke fa Todd a utlwa lentswe la ga Brian. “Ka bonako! Palama boto ya gago!” ga goa Brian. Metsi a ne a setse a tletse madi. Fa Brian a tshwere, a thusa Todd go ya kwa lebopong, a nna a tlhatlhoba metsi go bona meetse. “Kopang thuso foo!” Brian a goa batho ba ba kwa lebopong.



Kwa bofelong Todd a utlwa boto ya gagwe e kgoma motlhaba. O ne a boetse kwa lebopong. “Go siame! O tla siama!” ga rialo Brian. Brian o ne a sa dumele gore didolofini tse di ratang go itshamekela mo makhubung di pholositse botshelo jwa gagwe.





Puiso ya 1

Šaka e lomile Todd fa kae?

Šaka e lomile Todd la ntlha mo mokwatleng mme morago ya nna mo leotong.

Ke mang yo o pholositseng Todd mo šakeng?

Didolofini tse di ratang go tshamekela mo makhubung di pholositse Todd ka go tshosa šaka.

Goreng kgang e, e ne e tshosa?

- Gonne go na le šaka mo kgannyeng mme šaka e a tshosa.
- Gonne Todd o lomiwa ke šaka, gape go na le madi mo metsing.
- Gonne Todd o nosi fa a lomiwa ke šaka.
- Gonne šaka e mo loma mo mafelong a mantsi, šaka e tswelela go nna e ntse e boela kwa go ena.
- Gonne ga re itse gore Todd o tlaa phologa kgotsa o tlaa bolawa ke šaka go fitlha kwa bofelong ba kgang.



Puiso ya 2

Brian o ne a tsena leng mo metsing go tla go thusa Todd?

O tlike a tla go thusa Todd fa didolofini di sena go tshoseta šaka gore e tshabe.

Nagana tlhaselo ya šaka e e diragalang mo kgannyeng e. O nagana gore ke nako efe e e tshosang go fetisa?

Ke akanya gore nako e e tshosang go fetisa ke fa...

Goreng tsala ya Todd, e bong Brian a ne a sa tle go mo pholosa?


- Gonne o ne a nagana gore le ena o tlaa tlhaselwa ke šaka.
- Gonne tlhaselo e diragetse mo metsing mme go thata go bona gore go diragala eng.
- Gonne go tla bo go le thata go bona Todd mo metsing a a tletseng madi.
- Gonne šaka e tshweu e kgolo thata mme e ka tlhasela batho ba le babedi bonolo fela.
- Gongwe ka gonne Brian o ne a tshaba thata go tsena mo metsing fa a bona šaka.



KGANG 8

TSHOLOFELO O BONA THUSO

Thitokgang: Re bona thuso



Tshedimosetso ya Lemorago

- Sethangwa seno ke kgang ya maitlhamelo.
- E diragalela mo Aforikaborwa
- E diragala mo pakeng ya jaanong.
- Kgang e e tla thusa barutwana ba gago go tthaloganya gore go thata go lebala ka loso lwa batho ba re ba ratang. Go botlhokwa go nna pelotelele le batho ba ba hutsafetseng, mme ka dinako tse dingwe, go tthokega thuso ya baitsaanape.



Dintlha tse o ka di abelanang le barutwana ba gago

- Go botlhokwa go thusa bana ba ba hutsafetseng ka ntlha ya go latlhegelwa ke motsadi, rremogolo kgotsa motlhokomedi mongwe.
- Lebelela gore ka dinako tse dingwe ngwana a ka 'tswa mo taolong' kgotsa a se ka a itshwara sentle. Leka go naya ngwana ditšhono tsa go tthalosa maikutlo a gagwe, ka go bua ka one, go thala ditshwantsho kgotsa go kwala, kgotsa go dira tiro ya mmele e e tshwanang le go otlala mabole.
- Tswelala go dira ditiro tsa ka metlha. Ditiro tsa ka metlha ke tsela e e molemo ya go dira gore bana ba ikutlwe ba sireletsegile.
- Sa bofelo, go botlhokwa go nna pelotelele le ngwana yo o hutsafetseng. Ba letle gore ba hutsafale le go lepalepana le maikutlo a bone ka lebelo lwa bone.



Togaleano la go Tthaloganya: Dira diphopholetso tsa kitso


- Ke eng: Go fopholetsa dilo tse mokwadi a sa di tthaloseng ka tthamalalo, o dirisa metlhalo mo kgannyeng.
- Goreng re se dirisa: Go tthaloganya bokao jo bo tseneletseng le melaetsa e e fitlhegileng.
- Se thusa jang: E go thusa go tsaya ditshweetso fa o buisa, le go tthaloganya kgang le baanelwa botoka.



Go dirisa togaleano le kgang eno:

Tsebe le temana	Puiso ya	Bua jaana
94,4	Segolo o ne a tlhoafaleitse modumo wa setshego se se kwa godimo, sa ga nkokoagwe. Tsholofelo o ne a batla go robala letsatsi lotlhe. O ne a ikutlwa a lapile thata go ka tswa mo dikobong.	Ke kgona go phopholetsa gore Tsholofelo o tshwenyegile ka gone o batla go nna mo bolaong letsatsi lotlhe.
97,1	“Ke dirile dijo tsa dilalelo tse o di ratang!” Mmangwane Morongwa a rialo, a naya Tsholofelo borothophate jo bo besitsweng ba kase. “Ke a leboga, fela ga ke a tshwarwa ke tlala,” Tsholofelo a rialo a kgaramelelsa sejana sa gagwe kwa kgakala.	Ke kgona go phopholetsa gore Tsholofelo o tshwenyegile ka gone ga a batle go ja sepe – le fa e le dijo tse a di ratang!

Morago ga loso lwa nkokoagwe, Tsholofelo o ne a ya go nna le mmangwane Morongwa kwa Mamelodi, kgakala le legae la gagwe kwa Xigalo.



Fa a fitlha kwa ntlong ya ga mmangwanaagwe, o ne a sa itumela. Ntlo e ne e utlwalega e le tona e bile e le lolea.

O ne a tlhologelelwa go utlwa medumo ya dinonyane di tswirinya kwa ntle ga letlhabaphefo la gagwe mo mosong.

O ne a tlhoafaletse modumo wa lebatl la bogologo fa le bulega le fa le tswalega.

Segolo o ne a tlhoafaletse modumo wa setshego se se kwa godimo, sa ga nkoagwe. Tsholofelo o ne a batla go robala letsatsi lotlhe. O ne a ikutlwa a lapile thata go ka tswa mo dikobong.



E rile fa a goroga mo phaposiborutelong ya gagwe e ntšhwa, o ne a sa itumela. Phaposiborutelo e ne e le lefifi e bile e le tsididi.

O ne a tlhoafaletse medumo ya ditshipi tsa dikgomo kwa ntle ga letlhabaphefo ka nako ya sekolo.

O ne a tlhoafaletse modumo wa tšhoko mo patitšhokong.

Segolo o ne a tlhoafaletse go itse gore nokoagwe o kwa gae, motsamano wa sekgala se se khutshwane fela.

Fa Tsholofelo a akanya ka sekolo, mala a gagwe a ne a nna botlhoko. Moso mongwe le mongwe o ne a bolelela mmangwane Morongwa gore o ikutlwa a lwala thata go ka ya sekolong.



Mmangwane Morongwa o ne a bona gore go sengwe se se sa siamang. O ne a leka go thusa Tsholofelo go tlwaela lefelo le lentšhwa.

“Goreng o sa ye le nna kwa ntlong ya moagisani wa me? Bokang o na le dingwaga di le robongwe, fela jaaka wena!” a mo laletsa, fela Tsholofelo o ne a sa ikutlwe go kopana le mongwe yo mošwa.




“Ke dirile dijo tsa dilalelo tse o di ratang!”


Mmangwane Morongwa a rialo, a naya Tsholofelo borothophate jo bo besitsweng ba kase.

“Ke a leboga, fela ga ke a tshwarwa ke tlala,”

Tsholofelo a rialo a kgarametsa sejana sa gagwe kwa kgakala.



Mo bosigong, mmangwane Morongwa o ne a utlwa Tsholofelo a lelela kwa tlase mo mosamong wa gagwe. “A o tlhoka go tlamparelwa?” a botsa ka bonolo, fela Tsholofelo o ne a sa batle go tlamparelwa ke ope, fa e se nkoagwe.



Mmangwane Morongwa o ne a naya Tsholofelo nako ya go itlwaetsa lefelo fela morago ga dibeke di le mmalwa, dilo di ne di santse di sa itumedise.

“Tsholofelo, ke tshwenyegile ka wena. Ke akanya gore o na le kgatelelo ya maikutlo. O tlhokofaletswe ke motho yo o mo ratang thata. O tsamaile go ralala naga, kgakala le legae la gago le ditsala tsa gago. Ke akanya gore o tlhoka thuso gore o ikutlwe o le botoka,” a rialo.

Tsholofelo o ne a nna ka tidimalo metsotswana. “A se se raya gore go sengwe se se phoso ka nna?” Tsholofelo a botsa ka letshogo.

“Nnyaa, ga go phoso,” mmangwane Morongwa a rialo. “Ke a itse gore batho ba tlhabiwa ke ditlhong go bona moithutatlhaloganyo, fela ga se sengwe se o tshwanetseng go se tlhabelwa ke ditlhong. Fa mmele wa gago o lwala, ga go tlabise ditlhong go ya go bona ngaka. Fa tlhaloganyo le maikutlo a gago a lwala, ga o a tshwanelwa ke go nna le ditlhong go bona moithutatlhaloganyo. Ke bona moithutatlhaloganyo ka dinako di le dintsi go nthusa go nna le maikutlo a a ritibetseng le go itumela,” a mo solofetsa.


Morago ga malatsi a le mmalwa, mmangwane Morongwa a isa Tsholofelo kwa bookelelong jo bo kgethegileng. Ba ne ba leta mo phaposing ya go leta. E rile fa leina la ga Tsholofelo le bidiwa, o ne a tshoga. “O seka wa tshwenyega, ke tla bo ke le fa ke go letile,” Mmangwane Morongwa a mo solofetsa a mo phophotha mo mokwatleng



Tsholofelo o ne a tsena mo phaposing e nnye e e nang le lesedi. O ne a nna mo setilong se se manobonobo.

“Nna ke Zain,” moithutatlhaloganyo a rialo, a ntse go lebagana le ena. “A re bue ka maikutlo a gago.”

“Ke fela gore ke ikutlwa...” Tsholofelo a simolola.



E rile fa ura e fela, Tsholofelo a goga mowa, mme a boela kwa phaposing ya go leta.

“Jaanong?” mmangwane Morongwa a botsa ka pelaelo. “Go ne go le jang?”

“Ee, ga ke itse gore a ke ikutlwa botoka jaanong ...” Tsholofelo a rialo, “fela ke akanya gore ke batla go tla gape mo bekeng e e tlang. Ke rata moithutatlhaloganyo Zain, Ke akanya gore go bua le ena go ka thusa.”

Mmangwane Morongwa o ne a tshwara seatla sa ga Tsholofelo ka thata mme a nyeba.





Puiso ya 1

Ke mang yo Tsholofelo a neng a mo tlhoafaletse?

Tsholofelo o ne a tlhoafaletse nkokoagwe

Tsholofelo o ne a nna kwa kae le nkokoagwe?

Tsholofelo le nkokoagwe ba ne ba nna kwa Xigalo.

Goreng fa mmangwane Morongwa a ne a tshwenyegile ka Tsholofelo?

- O ne a tshwenyegile gonne o ne a sa batle go tswa mo dikobong.
- Tsholofelo o ne a sa batle go ya sekolong.
- Tsholofelo o ne a sa batle go kopana le ope o mošwa.
- Tsholofelo o ne a sa batle go ja dijo tse a di ratang
- Gonne o lekile go dira sengwe le sengwe go thusa Tsholofelo gore a ikutlwe botoka, fela go ne go se sepe se se thusang.



Puiso ya 2

Goreng Tsholofelo a ne a fudugela kwa Mamelodi?

O ne a fudugela kwa Mamelodi go nna le mmangwane Morongwa morago ga loso lwa ga nkokoagwe.

Dijo tse Tsholofelo a di ratang thata ke eng?

Dijo tse Tsholofelo a di ratang thata ke borothophate jo bo besitsweng ba kase.

Goreng mmangwane Morongwa a tsere gore Tsholofelo a ka tswa a na le kgatelelo ya maikutlo?

- Gonne o ne a batla go robala motshegare otlhe. O ne a sa batle go tswa mo dikobong.
- Gonne o ne a bolaiwa ke mala letsatsi lengwe le lengwe mme a sa batle go ya sekolong.
- Gonne ga a batle go kopana le ope yo mošwa.
- Gonne ga a batle go ja, le fa e le dijo tse a di ratang thata.
- Gonne mmangwane Morongwa o utlwa Tsholofelo a lela bosigo
- Gonne nkokoagwe Tsholofelo o sa tswa go tlhokafala.
- Gonne Tsholofelo o ne a tshwanelwa ke go fudugela kwa lefelong le le šwa, sengwe le sengwe se ne sa mo fetogela!





NHLRP | National Home Language Reading Programme “